



ԸՆԴՈՒՆԵԼՈՒԹՅՈՒՆՆԵՐ ՍԱՅՐ ԱԹՈՌՈՒՄ

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՌԴ ԳԼԽԱՎՈՐ ԴԱՏԱԽԱՁԻՆ

Փետրվարի 12-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Շայրագույն Պատրիարք և Ամենայն Հայոց Կաթողիկոսն ընդունեց Ռուսաստանի Դաշնության Գլխավոր դատախազ Յուրի Չայկային և նրա գլխավորած պատվիրակությանը՝ ուղեկցությամբ ՀՀ Գլխավոր դատախազ Աղվան Հովսեփյանի և ՀՀ-ում ՌԴ արտակարգ և լիազոր դեսպան Նիկոլայ Պավլովի:

Ողջունելով պրն. Չայկայի այցը Ս. Էջմիածին՝ Վեհափառ Հայրապետը գոհունակությամբ անդրադարձավ երկու ժողովուրդների միջև առկա դարավոր բարեկամությանը և երկու երկրների սերտ համագործակցությանը տարբեր ոլորտներում:

Խոսելով Հայաստանյայց Առաքելական Սուրբ Եկեղեցու և Ռուս Ուղղափառ Եկեղեցու սերտ կապերի մասին՝ Նորին Սրբությունը նաև շնորհավորեց պրն. Չայկային Մոսկվայի և Համայն Ռուսիո Պատրիարք Կիրիլ Ա-ի ընտրության և գահակալության առիթով:

Իր հերթին ՌԴ Գլխավոր դատախազն անդրադարձավ երկու պետությունների միջև առկա ջերմ հարաբերություններին: Նա վստահություն հայտնեց, որ երկու դատախազությունների համագործակցությունը բարի արդյունավորում կունենա ի շահ երկու ժողովուրդների:

Հանդիպմանը ներկա էին նաև Նոր Նախիջևանի և Ռուսաստանի հայոց թեմի առաջնորդ Տ. Եզրաս եպիսկոպոս Ներսիսյանը և Հարավային Ռուսաստանի հայոց թեմի առաջնորդ Տ. Մովսես եպիսկոպոս Մովսիսյանը:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՀԱՅԱՍՏԱՆՈՒՄ ԻՍՐԱՅԵԼԻ ԴԵՍՊԱՆԻՆ

Նույն օրը Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Շայրագույն Պատրիարք և Ամենայն Հայոց Կաթողիկոսն ընդունեց Հայաստանի Հանրապետությունում Իսրայելի արտակարգ և լիազոր դեսպան Շեմի Յուրին:

Շնորհավորելով դեսպանին նշանակման առիթով՝ Վեհափառ Հայրապետն իր բարեմաղթանքները հղեց նրան:

Իր խոսքում Նորին Սրբությունն անդրադարձավ հայ և հրեա ժողովուրդների պատմական ընդհանրություններին և կարևորեց նրանց միջև առկա հարաբերությունների առավել սերտացումն ու զարգացումը:

Հանդիպման ընթացքում խոսվեց նաև աշխարհում խաղաղության հաստատման և ժողովուրդների միջև բարեկամության ամրապնդման գործում կրոնական առաջնորդների կարևոր դերակատարության մասին:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՎՐԱՍՏԱՆԻ ԽՈՐՀՐԴԱՐԱՆԻ ՆԱԽԱԳԱՀԻՆ

Փետրվարի 24-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբեգին Բ Շայրագունյն Պատրիարք և Ամենայն Հայոց Կաթողիկոսն ընդունեց պաշտոնական այցով Հայաստան ժամանած Վրաստանի Խորհրդարանի նախագահ Դավիթ Բաքրաձեի գլխավորած պատվիրակությանը՝ ուղեկցությամբ ՀՀ ԱԺ աշխատակազմի ղեկավար տիար Գեղամ Դարիբջանյանի և երկու երկրների դեսպանների:

Նորին Սրբությունը գոհունակությամբ արձանագրեց, որ երկու երկրների միջև հարաբերությունները սերտ են և բարեկամական, և հույս հայտնեց, որ առկա խնդիրներն իրենց լուծումը կստանան եղբայրական սիրտ և վիճադարձ հասկացողության մթնոլորտում:

Հանդիպմանը խոսվեց Հայ Առաքելական Եկեղեցու Վիրահայոց թեմի կարգավիճակի և հայկական եկեղեցիների վերադարձման խնդրի, ինչպես նաև վիրահայությանը հուզող այլ հարցերի մասին:

Հանդիպմանը ներկա էին Մայր Աթոռի դիվանապետ Տ. Արշակ եպիսկոպոս Խաչատրյանը, Եկեղեցի-պետություն հարաբերությունների գրասենյակի պատասխանատու Տ. Մեսրոպ արեղա Պարսամյանը:

*ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ*